


金川瑣記
上

地 280.363
935
帝 21-2



嘉慶戊午初夏刊

金川寶記

本衙藏板

金川瑣記題詞

天開井絡江岷表鵬搜之河地廣析支嚴道接拂
廬之部援晉室華陽之志幅員倍萬里橋西較漢
京劍閣之銘戎索勒七盤山外望金馬碧雞之瑞
蒼黃支鳥弋之圖偃伯銀麟迴數招徠濟火鏡歌
朱鷺環看抃舞都盧此紀盛事於靈夔堪發藻思
於虎僕者也若乃狼隲烏許向風隨舞翹歛巴僭
侏兜離慕義就白鹽赤甲原其族類亦在神霄亭

金川瑣記 鄭序

毒之中析厥土風未入太史輶軒之內所以秘書
九百實本虞初弱水三千傳由博望况夫勒烏絨
布撞花指黃草坪前雪嶺桃關柳酒浥獨松山畔
耳熟天方梵唄手繙宛委蟲書非久歷夫沙度繩
行未易寫似雲垂海立矣湘帆六兄先生學窮蒼
雅才裕商霖縮綬蓉城種花錦里馬卿諭蜀頻多
閩外之行元相遷夔時和璧間之句水上飛鳶跼
跼過五溪猶惜壺頭嶺邊玉壘層層信八陣足吞

吳下而且穿雲行部懸釜冰山奉簡籌邊扶筇鳥
道雪蓮冬草清迎蠻府參軍賓馬皮航題入西征
賦客爰是綜兩川之疆界采七姓之風情嗜好音
聲狀之畢肖昆蟲草木觸處皆新未遇夷堅誰識
海人木客揭來壯武方傳華表文狸紹桂海之虞
衡副奇書於越絕一編枕藉宛隨亥步張槎萬里
羅紋盡比西契越雉允符麟筆應重雞林雪蕉愚
弟鄭一崧頓首拜撰

魏序

憶甲午歲余隨任粵西陵城官署時嘗金川告捷輒私心冀倖以爲武功克奏文事宜修意必有當世鉅人具良史才綜新疆之風物勒成一書足以拓聞見而備參考者抑又難之兩川僻處邊徼迥異中土詢訪失實則多誣載籍無傳則鮮據且簿書爲勞則不暇此有才而用其才之爲難也湘帆六兄先生宏通淹雅壯游蜀川爰莅綏靖盤錯裕

金川瑣記 魏序

如今幸同官閩省得以聞所未聞已而出所著金川瑣記六卷示余且屬余書其端余讀之竊見其立言也有體其叙事也存真其抒詞也有質有文不漏不支俾皮航雪嶺開帙不異躬親宣號轉經展卷宛同晤對奇奇恠恠可驚可愕讀之而惟恐其盡復之而不厭其煩洵足駭子長之駕迴孟堅之席矣抑嘗聞之民無化外治貴因俗如集中所載開牛頭之徑修刮耳之岩購藥蕤骨諸條有譚

於吏治民生者甚鉅豈第誇子雲之竒字矜王朗
之異書乎是編也不獨有以饜嗜竒之胃又竊歎
循良之用心爲不苟也夫豈

嘉慶戊午孟秋南樂錦泉弟魏光旗拜撰

金川瑣記

魏序

二

自序

予從弱冠後隨任楚南繼又宦游西蜀苗獠五谿及印僊獠蟾弼頭漢髮之區十餘年來游歷不尠嘗欲出所聞見珥筆記之未遑也甲辰秋承乏綏靖至巳酉春始得交替歷徼外者五年地本西厄部落新入版圖習俗多異中土積久厝情漸稔習而安焉事日益簡暇時因得兼及筆墨凡耳聞目覩得輒志之漸積成帙殊瑣瑣不足道然而蘭珠

金川瑣記 自序

桐布編入華陽杏粥桃符詳於荆楚不賢識小固古人所不廢昔蠻府參軍嘗有媿隅躍清池句夫媿隅細物形諸歌咏聊作詼諧則是編儻足佐矜奇者一哂乎時

乾隆歲次上章闡茂壯月上海李心衡識

例言

一恭錄 御製碑文 御頒祭文弁首尊 王也
一是編專紀新疆風物其餘概不敢攙入防濫也
一是編詞皆紀實不同傳奇家架虛立論故詞皆
徑遂而少紆回存真也

一金川遠在西南徼外載籍絕少名物象數無從
考其源流重以孤陋寡聞尤不敢妄爲附會闕
疑也

金川瑣記

例言

一疆土分合暨戡定顛末 國家自有紀載不及
備書懼僭也